



Inatsisartunut ilaasortaq Najaaraq Møller, Siumut
/Maani

§ 37 naapertorlugu apeqqummut nr. 2024-66-imut akissut

13-05-2024
Suliap normua 2024 - 99
All. normua 22954508

Inatsisartut Suleriaasianni § 37, imm. 1 naapertorlugu nunaqavissut sulisinnaasut pillugit Naalakkersuisunut apeqquq ataani allassimasoq saqqummiuppat.

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
e-mail: govsec@nanoq.gl
www.naalakkersuisut.gl

Apeqqutigineqartut tullinguuttuni akineqarput.

Apeqquq 1. Air Greenland ulloq manna tikillugu kalaallit qassit timmisartortartut ilinniartissimavai? Akissummi nalunaarsorfimmik ilanngussinissaq kissaatiginarpoq.

Akissut: § 37 naapertorlugu apeqqutigineqartut akiniarneranni tassunga atugassanik Air Greenland A/S-mit akissutissanik pissarsiniartoqarsimavoq, imaattunillu akissuteqarpoq:

"Namminersorlutik Oqartussani timmisartortartunngorniarnermut ilinniartitaanerup aqunneqarnera Air Greenlandip isumagisaraa. Taamaalilluni Air Greenland ilinniarnernunngilaq, kisianni Air Greenland "paasisimasalittut" atuuffeqarpoq aamma namminersorlutik oqartussat sinnerlugit ilinniartussarsiorneq suliarisarpaa, matumani ilanngullugu misiligutit sorliit naleqquttuunersut, aamma piumasaqaatinut timmisartornermut ilinniarfik sorleq naamassinninnersoq naliliisarpoq. Ilinniarnerup ingerlanerani ataasiakkaat sulinerannik ineriartornerannillu, taamatut aamma soorlu timmisartunut mekanikeritut ilinniartunik, Air Greenland malinnaasarpoq. Namminersornerullutik Oqartussani/Namminersorlutik Oqartussani qassit timmisartortannngorniartut ilinniarsimanersut Air Greenlandip tamakkiisumik takussutissaqartinngilaa."

Apeqquq 1a. Ullumikkut Air Greenlandimi kalaallit timmisartortartut ilinniarsimasut qassit sulippat? Timmisartuni aammalu qulimiguulinni.

Akissut: § 37 naapertorlugu apeqqutigineqartut akiniarneranni tassunga atugassanik Air Greenland A/S-mit akissutissanik pissarsiniartoqarsimavoq, imaattunillu akissuteqarpoq:

“Namminersorlutik Oqartussat Air Grennlandianit allaffisornikkut aqunneqartumi atorfinerusuttut tamaasa oqaluttuarisaanermi Air Greenlandip atorfinitsissimavai. Amerlanerit najukkami najugallit, timmisartortartutut ilinniarsimasimasut taamatut atorfinitsinneqartarput, Air Greenlandip misiligummik piumasaqaataanik angusinngitsoorsimasut ataasikkaat pinnagit.”

Apeqquut 1b. Ullumikkut timmisartortartutut ilinniarsimasut taakkua kalaallit tamarmik Air Greenlandimi atorfeqanngikkunik, sunamita tamassumunnga peqquataava?

Akissut: § 37 naapertorlugu apeqquutigineqartut akiniarneranni tassunga atugassanik Air Greenland A/S-mit akissutissanik pissarsiniartoqarsimavoq, imaattunillu akissuteqarpoq:

“Ukiut ingerlanerini piffissami misiliffiusumi ataasiakkaat peerneqartarput ingerlanerup naammaginanginnera pissutigalugu. Timmisartut allatut ittut nutaat atuleriartuaarnerinut atatillugu timmisartortartut pingasut najukkami najugallit unipput, arlaannaalluunnit Namminersornerullutik Oqartussani/Namminersorlutik Oqartussani timmisartortartutut ilinniarsimangilaq.”

Apeqquut 1c. Avataaniit timmisartortartut Air Greenlandimi ullumikkut atorfillit qassiuppat, matumani timmisartuni qulimiguulinnilu?

Akissut: § 37 naapertorlugu apeqquutigineqartut akiniarneranni tassunga atugassanik Air Greenland A/S-mit akissutissanik pissarsiniartoqarsimavoq, imaattunillu akissuteqarpoq:

“Sulisut sorliit najukkameersutut isigineqarsinnaanersut aamma najukkameersuunnigitsutut (avataaneersuutut) isineqarsinnaanersut nassuiarniarlugu Kalaallit Nunaanni suliffissarsiortut killilersimaarnissaat pillugu Inatsisartut inatsisaanni aalajangiinermi tunngaviusut Air Greenlandip atorpai. Ullumikkut timmisartortartut 108-t atorfeqartippavut. Timmisartunut suluusalinnut (fixed wing) 67-t, taakkunannga sulisut 60-t najukkami aalajangersimasumik najugallit, aamma qulimiguulinnut (Rotorwing) 41-t, taakkunannga 31 najukkami aalajangersimasumik najugallit. (ukiunni qulini kingullerni arfineq marluni Air Greenlandimi sulisut, Kalaallit Nunaanni inunngorisimasut ukiunilu siullerni tallimani inuuffigisani maani najugaqasimasut, imaluunnit aalajangiinermi tunngaviusunik naammassinnittunik katissimasut, inooqateqarteqartut minnerpaamik ukioq ataaseq).

Ingammik qulimiguulinnut (Rotorwing) tunngatillugu najukkami innuttaasunik sulisussasiorneq unammillernartoqarsinnaavoq, nalunaaquttap akunnerinut timmiffiusunut piumasaqaat qulimiguulinnut timmisartortartunut kisimiittunut ataasiakkaanut timmisartortartutut ilinniarnermini naammasserlaammut naammassi-uminaassinaavoq. Nunami qaqqartuumik kiisalu suliassani immikkut ittuni timminermut misilittagaqarneq Air Greenlandip piumasaraa, tassalu imaakkajuppoq 1000 tiimit

angullugit timmisimasariaqarpoq illersorneqarsinnaasumik kisimi timminissamut nalineqarsinnaajumalluni.

Apeqquut 1d. Air Greenland kalaallinik timmisartortartunik attassiinnarnissamut qanoq periuseqarpa?

Akissut: § 37 naapertorlugu apeqquutigineqartut akiniarneranni tassunga atugassanik Air Greenland A/S-mit akissutissanik pissarsiniartoqarsimavoq, imaattunillu akissuteqarpoq:

"Air Greenlandip tunngaviusumik naleqartitanut pissusiisa ilagaat sulisussarsiornermi sulisussat sumiiffimmi najugaqavissut salliutinneqartarnerat. Suliassarput tassaavoq: "Ataatsimoorluta Kalaallit Nunaat kivissavarput, periusissiatsinni tunngaviusumik oqaatigineqarpoq "Najukkani piginnaasat ineriartortippavut", Piujuartitsinermik periusissiatta Nunarsuaq tamakkerlugu anguniagassaq 4, Ilinniartitaanerit pitsaasuunissaat salliutippaa aamma Sulisoqarnermut periusissiatsinni suliarineqarpoq "Assigiinngiiaarnermut ataqqinnilluta sulisussarsiortarpugut aamma najukkami uninngaveqarneq ukkallugu, nammineq najuunneq piginnaasallu eqqortut." Tamanna isumaqarpoq, soorlu assersuutigalugu timmisartortartunik sulisussarsiornermi najukkamiit qinnuteqartut salliutinneqartarmata, piumasaqaatit minnerpaat naammassimagunikkit atorfinitsineqartarput. Naak aamma avataanit qinnuteqartut piginnaasaqarnikkut piukkunnaateqarnerungaluarpataluunniit."

Apeqquut 2. Air Greenlandip aqqissuussaannikkut ilusilersugaanera qanoq isikkoqarpa? Air Greenlandimi kisitsisit pingaernerit takuneqarsinnaapput.

Akissut: § 37 naapertorlugu apeqquutigineqartut akiniarneranni tassunga atugassanik Air Greenland A/S-mit akissutissanik pissarsiniartoqarsimavoq, imaattunillu akissuteqarpoq:

Ilanngussaq 1 takuuk.

Apeqquut 2a. Aamma suliffeqarfiup sulisuminik attassiinnarnissaanut periuseqarnissamut pilersaarutit takorluukkallu suut pigai?

Akissut: § 37 naapertorlugu apeqquutigineqartut akiniarneranni tassunga atugassanik Air Greenland A/S-mit akissutissanik pissarsiniartoqarsimavoq, imaattunillu akissuteqarpoq:

"Air Greenlandip attassiinnarnissaamik politikkaa matoqqasuunngilaq. Attassiinnarniarneq (sulissarsiornerlu) suliniutitigut arlalippassuartigut qulakkeerneqartarpoq, soorlu imaatut isumannaatsumik suliffimmi avatangiiseqarneq, isumaqatigiissutit atasinnaasut, peqqinneq aamma sulianut tunngasunut periarfissat pitsaasut aamma inuttut ineriartorneq. Atugaqarnermut suliniutit assigiinngitsut ingerlaavartumik ineriartortinneqarput."

Inussiarnersumik inuulluaqqusillunga



Múte Bourup Egede

